



Torah écrite (pentateuque) - Genèse

Chapter 23

- 23,1 ויהיו חיי שרה, מאה שנה ועשרים שנה ושבע שנים--שני, חיי שרה.
- 23,2 ותמת שרה, בקיבת ארבע הוא חברון--בארץ כנען; ויבא, אברהם, לספד לשרה, ולבכמה.
- 23,3 ויקם, אברהם, מעל, פני מתו; וידבר אל-בני-חת, לאמר.
- 23,4 גר-ותושב אנכי, עמכם; תנו לי אחזת-קבר עמכם, ואקברה מתי מלפני.
- 23,5 ויענו בני-חת את-אברהם, לאמר לו.
- 23,6 שמענו אדני, נשיא אלהים אתה בתוכנו--במבחר קברינו, קבר את-מתנ; איש ממנו, את-קברו לא-יכלה ממך מקבר מתנ.
- 23,7 ויקם אברהם וישתחו לעם-הארץ, לבני-חת.
- 23,8 וידבר אתם, לאמר: אם-יש את-נפשכם, לקבר את-מתי מלפני--שמעוני, ופגעו-לי בעפרון בן-צחר.
- 23,9 ויתן-לי, את-מערת המכפלה אשר-לו, אשר, בקצה שדהו: בכסף מלא יתננה לי, בתוככם--לאחזת-קבר.
- 23,10 ועפרון ישב, בתוך בני-חת; ויען עפרון החתי את-אברהם באזני בני-חת, לכל באי שער-עירו לאמר.
- 23,11 לא-אדני שמעני--השדה נתתי לך, והמערה אשר-בו לך נתתי; לעיני בני-עמי נתתי לך, קבר מתנ.
- 23,12 וישתחו, אברהם, לפני, עם הארץ.
- 23,13 וידבר אל-עפרון באזני עם-הארץ, לאמר, אך אם-אתה לו, שמעני: נתתי כסף השדה, קח ממני, ואקברה את-מתי, שמה.
- 23,14 ויען עפרון את-אברהם, לאמר לו.
- 23,15 אדני שמעני, אך ארבע מאת שקל-כסף ביני ובינך מה-הוא; ואת-מתנ, קבר.
- 23,16 וישמע אברהם, אל-עפרון, וישקל אברהם לעפרון, את-הכסף אשר דבר באזני בני-חת--ארבע מאות שקל כסף, עבר לסחר.
- 23,17 ויקם שדה עפרון, אשר במכפלה, אשר, לפני ממרא: השדה, והמערה אשר-בו, וכל-העץ אשר בשדה, אשר בכל-גבלו סביב.
- 23,18 לאברהם למקנה, לעיני בני-חת, בכל, באי שער-עירו.
- 23,19 ואחר-כן קבר אברהם את-שרה אשתו, אל-מערת שדה המכפלה על-פני ממרא--הוא חברון: בארץ, כנען.
- 23,20 ויקם השדה והמערה אשר-בו, לאברהם--לאחזת-קבר: מאת, בני-חת. {ס}